

**NITIJELA OF THE MARSHALL ISLANDS
37TH CONSTITUTIONAL REGULAR SESSION, 2016**

**3rd Day (Monday) P-I
January 18, 2016**

SPEAKER KEDI: Yokwe non armej in aelon kein. Kwelok kein an Nitijela renij wonmanlok ilo jibonin rainin ekkar non constitutional mandate ko iumin Jemen-Ei eo an armej in aelon kein. Im rainin ej January 18, 2016. Raan eo kein kajilu (3rd) in an Nitijela in jijet. Im mokta jen ad wonmanlok ne imaron kajitok ippen ri kwelok rein an armej in aelon kein non adwoj jutak im kamolol Anij kin juon raan eman. (JAR).

Kommol aolep ruteij rein. Ilo agenda ne an rainin jenij lore einwot kar ko lak moktalok iumin elaajrak in rule im procedure kein elikin ad komone kir non kwelok in inaj kajitok ippen Madam Clerk bwe en wonmanlok wot im letok roll call eo an jibonin rainin.

CLERK:

H.E President Casten Nemra.....	Present
Minister David Kabua.....	Present
Minister Kessai Note.....	Present
Minister Jack Ading.....	Present
Senator Hilda Heine.....	Excuse
Minister Atbi Riklon.....	Present
Minister Bruce Bilimon.....	Present
Minister Daisy Alik Momotaro.....	Present
Minister Leander Leander Jr.....	Present
Senator Eldon Note.....	Present
Minister Mike Halferty.....	Present
Vice Speaker Jejwarick Anton.....	Present
Senator Litokwa Tomeing.....	Present
Senator Alvin T. Jacklick.....	Present
Senator Alfred Alfred Jr.....	Present
Senator David Kramer.....	Present
Senator Amenta Matthew.....	Present
Senator Kalani Kaneko.....	Present
Senator Maynard Alfred.....	Present
Senator John M. Silk.....	Present
Senator Brenson S. Wase.....	Present
Senator Sherwood Tibon.....	Present
Senator Michael Kabua.....	Excuse
Senator Christopher Loek.....	Present
Senator Tony Aiseia.....	Excuse
Senator Jerakoj Bejang.....	Present

Senator Thomas Heine..... Present
Senator Wilbur Heine..... Present
Senator Tony Muller..... Present
Senator Dennis Momotaro..... Present
Senator Mattlan Zackhras..... Present
Senator David Paul..... Excuse
Speaker Kenneth Kedi..... Present

SPEAKER KEDI: Clerk, konij excuse-i Senator Michael Kabua, Senator Tony Aiseia, Senator David Paul im Senator Hilda C. Heine.

CLERK: Mr. Speaker, ewor 29 present im 4 excused

SPEAKER KEDI: Innem eoun uaan Nitijela in non an komoni kwelok kein an ilo raan in kein kajilu sitting days in an ilo term in jermal in ilo melkon in imaan. Im ilo ad loor agenda ne laltak im mokta jen ad walaltak ilo agenda ne kakememej non aolep ri kwelok rein mottan rule im procedure kein ad elane jej konan bwe jen excuse ilo jermal kein an jen jermal kein an Nitijela kojean ej aikuij kanne absentia form eo im sign -i bwe jen maron calculate-i raan in bed ko an juon ri kwelok kab raan ko rejab maron bed. Rej maton wot rule kein im jej aikuij ippen dron im lori.

Im ilo agenda ne kio jej bed ilo item nombra 3, Koweppen Journal ko. Einwot an ejelok journal maan mejed ilo torein jenij wonmanlok wot jen item ne im itok nan nombra 4, ewor koban einwot an lolo ilo aolep agenda kane an kajojo ri kwelok rein im ej ikijeem motion eo kein kajuon non Motion eo non Vote in Jelke ak Motion of Vote of No Confidence ilo cabinet.

Im inaj kotlok bwe Madam Clerk en wonmanlok wot im riti -i koban motion in im elikin inij kajitok adwoj ippen dron ruteij rein, ri kwelok rein non ad lale wawein ad wonmanlok kon document in ebed imaan Nitijela in elab tata ikijen procedure ko jej aikuj buki ak bunton ko nan ad naj komane eddo in iumin bar Jemen -Ei in im ej ellajrak enwot an file ilo jibbonin.

Im wonmanlok wot Madam Clerk, ne komaron riti –I tok nan aelon kein ta ne kobban document ne.

CLERK: Kobar emmol Mr. Speaker. Item nombra 4, Motion of No Confidence, Motion No. 1, motion for a vote of no confidence in the Cabinet. Inaj wonmanlok wot im read –I kobban motion in.

January, 14, 2016

Honorable Kenneth Kedi
Speaker
Nitijela eo an Marshall Islands
P. O. Box 24, Majuro Marshall Islands 96960

RE: Kojela nan juon lomnak in bokmantak juon motion ikijen Vote of no Confidence nae Cabinet

Dear Speaker Kedi,

Ekkar nan Article V Section 7(1) in Jemen Ei eo lajtrak in etan member rein im rej uan Nitijela eo, kemij kwalok im barelnwot kadrelon Motion of No Confidence in am nae Cabinet eo. Mr. Speaker Article V Section 7(2) ej komlet bwe kain motion rot in naj aikuj in vote kake ilo ien kwelok ko an Nitijela iloan wot 5 kab 10 raan ko elikin an dedelok file e kojela eo.

Ilo kautej wot,

Ri sign ro ri bokmantak motion in: Senator Tony Muller, Senator Brenson S. Wase, Senator John M. Silk, Senator Kalani Kaneko, Senator Wilbur Heine, im Senator Alfred Alfred Jr.

SPEAKER KEDI: Kommol Madam Clerk. Im ilo tore in enwot an Jemen Ei e alikar ilo ellajtrak ko an, jej jab maron konono kon vote in jeleke in im kab wewein ko loan ijelokin wot jibbonin rainin kio ke elolo ilo agenda ne an Nitijela, jej tan konono kake procedure eo ak bunton ko, wewein ko me jenaj aikuj komane. Jemen Ei e elab an alikar jej jab maron konono kake im entertain –I loan raan kane 5 imaAn botab nan raan ne kein ka – jiljino (6) liklok im en jab le jen raan ne kein ka – jonoul (10) jenaj aikuj bwe jen entertain –I im elab tata vote –I. Im ilo jibbonin rainin inaj aikuji kolmenlokijon ko an ri –bebe rein an aelon kein. Im mokta ikonon kile aolep rein rar koba tok ilo chamber in ad im elon likao ro kab barenwot ij lo jiron ro. Ikonon kile kom ilo ami kar koba tok im witness -e kwelok in eaurok, kab kile armij in aelon kein ijoko otemjej rej bed ie, ilo radio ko ak ilo internet ko, aolep men kein rej broadcast life nan an armij in aelon kein melele kon ta kein rej bok jikier iloan Nitijela in. Im enwot ao ba ilo jibbonin rainin jeban konono kon vote in jelke in make botab jenaj konono kon procedure ko loan nan ad lale ewi wewein ad kojeikik naj ilo an naj joblaktok. Im lomnak eo an jea bwe jen joblak tok ilo Monday nan ad jino debate im eliktata mokta jen Friday naj aikuj vote –I vote in jelke in ak vote of no confidence in. Im ebelok floor ne nan jabdewot kolmenlokijon, inaj kile eok Senator eo jen Ebon John M. Silk im elikin inaj kile Minister eo juon eutej jen Jabot Kessai Note.

Wonmanlok wot Senator Silk.

SEN. JOHN SILK: Kommol Mr. Speaker. Im mokta jen ao bok jidrik kwonao ilo jibbonin rainin lewaj naan in kautej nan kwe Mr. Speaker nan Vice Speaker nan President eo ad ilo aelon kein, Minister rein, Senator rein woj kajojo im aolep armij in Majol ro rej bed loan mwin im kamol kwelok kein an Nitijela kab ro ilikin im rej ronjake radio ko kab ilikin Majol im ilo America kane.

Mr. Speaker, enwot am ba jemaron in konono wot kon procedure nan wonmanlok in motion in. Im ilo ien in Mr. Speaker, ij kommane juon ao bebe bwe ne enaj itok nan ien vote –I motion in bwe jen vote ilo secret ballot, enin ij bebe enwot in Speaker?

SPEAKER KEDI: Ewor juon motion ion floor ne nan ilo naj ien eo jenaj aikuj entertain –I motion of no confidence in, bwe en naj secret ballot im emoj an seconded. Ewor ke jabdewot kolmenlokijon mokta jen ad entertain –I motion in. Alikar ke ejelok innem ro rej bebe bwe, mokta jen ao entertain –I motion in ne ebar ejelok motion, jenaj aikuj bolen kili floor ne jen further discussion on the motion...

MIN. KESSAI NOTE: In mok komane juon kajitok mok?

SPEAKER KEDI: Wonmanlok wot Minister Note?

MIN. KESSAI NOTE: Inna, kommol Mr. Speaker. Im ekonon normal voting eo ne ikijen ainikien im ikijen roll call im ta Nitijela in ej tan jump jen men kein ruo im kajju nan motion ne nan voting secret ballot ke?

SPEAKER KEDI: Kommol Minister Note. Wonmanlok wot ne ej wor wot nan konono? Minister Alik Momotaro?

MIN. DAISY ALIK MOMOTARO: Kommol Mr. Speaker. Bed wot ilo aoo in kautej, kautej eok Mr. President, aolep Minister rein, Vice Speaker, im aolepen Senator rein im Iroj im Leiroij ro ad ilo mweo mon Iroj im ro belak in aelon kein im barenwot aolep armij in Majol.

Naij baj boktok wot kolmenlokijon in etke jej secret ballot ke armij ren jela ia eo jebed ie im jen kalikar etke jej vote in jeleke ilo week in kein kajuon ilo ejelok lukin ground ko me jej loi iman mejed kio, baj kolmenlokijon wot men in.

Kommol.

SEN. JOHN SILK: Speaker, point of order? Jej jab tan discuss -e motion in kio, jej itok wot, emoj an lolo juon im emoj an likieo juon motion ion floor ne nan ad secret ballot, ejelok en ear jumae, emoj an seconded im ij kajitok bwe jen vote -I Mr. Speaker. Kommol.

SPEAKER KEDI: The point of order ej in order enwot ao kar ba ekkein lok jidrik jej jab konono kon vote in jelke in ilo tore in ak jenaj konono wot kon procedure eo, wewein ad aikuj komane. Im ij kajitok karejar eo iben member rein bwe en jokjok in dre in. Emoj an wonlontak juon motion nan kabojrak konono kon motion eo ikijen secret ballot, emoj second e. Ro rej ba bwe en eindre in ren ba aet? (aet) Eo einjuon jaab? Inem emoj an kilok konono kon motion eo ikijen secret ballot, im kio jenaj entertain -I main motion eo, ro rej ba bwe en secret ballot naj ien vote eo ilo naj vote of no confidence eo ren ba aet? (aet) Eo einjuon jaab? Inem emoj an carry, motion eo enaj aikuj bwe en secret ballot ilo naj ien komane vote eo.

Im ededelok mwenan ne eaurok iman ikijen ad aikuj entertain -I motion eo nan bwe en secret ballot, inaj mok bar kojeblok nan Minister Note mokta?

MIN. KESSAI NOTE: Inna kommel Mr. Speaker. Ejja ikijen wot procedure kane im elane ej jino bonbon raan kane jen rainin melele in iliju Tuesday naj raan eo kein kajuon. Im elane eindrein raan eo kein kolalem ej raan in jadede, ewor ke lomnak nan call e Nitijela ilo raan in jadede?

Im kein karuo, enaj ilo week in manlok elane jenaj aikujin komati aolepen raan kane ekwe, naj raan eo kein kajonoul ej raan in Balaide, raan eo naj eliktata ne im bolen kajitok in nan confirm - I raan kane bwe joj en jimor melele ejimwe ke raan kein naj limanwaj.

Im kein karuo, jej konono kin vote in jelike in, enaj wonmantak naat ground ko, un ko nan komane vote in jelke in? Bwe joj en jimor katak kaki mokta jen ad naj itan debate -I ilo raan ne kein kolalem im walonlok elane ej karok eo in. Jenaj loi naet ground kein nan Vote in Jelke in ak un ko rar koman bwe en jarjar juon Vote in Jelke? Kommol Mr. Speaker.

SPEAKER KEDI: Kommol Mr. Minister. Im ejimwe raan kane kwoj kolajraki ijone enaj jino bonbon einwot an menin kio officially motan agenda in an Nitijela ilo jibonin rainin, enaj jino bonbon raan kane jen ilju im ejimwe am watwate liklok enaj lak tobare raan lalem (5), ej bed ilo Jadede. Im kalamenlokijon eo an jea ilo torein bwe ijelokin ad kwelok Jadede im jolok Jabbot bwe emo ad kwelok ilo Jabbot. Im jea eban kotlok ad kwelok ilo Jabbot jenaj aikuj jino ilo Mande. Ilo reading ne an Jemen Ei ne elukun alikar ej ba "en jab mokajlok jen lalem (5) raan" melelein bwe emaron jino ilo raan en kein kajiljino. Ak kinke e fall ilo raan in jadede, jea ej kalamenlokijon ke emanlok elane joj ear komane ilo raan in Mande im bok jen Mande einwot am ba lok nan Balaide, debate -I innem kiil debate im vote -I mokta jen an jemlok raan in

Balaide bwe en meet-i requirement eo an bareinwot Jemen Ei ne ikijen jonoul (10) raan. Im lomnak eo in ilo torein, ebelok jea nan kalamenlokijon jen aolep im meneo bwe aurok bwe jen lor mandate eo ilo Jemen Ei eo im jab loke ilo jabdrewot wawein.

Ikijen kajitok eo juon, enaj bolen itok jen likao ro rar dror eltan peier ilo petition eo kab ro rej jutak ilo likin petition in ikijen naet eo ground ko renaj itok ak ikonon karon Nitijela in ke ewor kar kein kajijlimjuon (7) in vote in jelike kio. Im jen ibwilijin vote in jelike kein jijlimjuon (7), juon wot ear maron ella ear successful eo ilo kar toreo eo an kar President Litokwa Tomeing, im ilo kar torein ekar nan document ka man meja kab einwot juon kar rikwelok ilo toreo, ekar ejelok un ear file, meneo dreo ear file ilo toreo kwalok wot maron eo umin Jemen Ei eo einwot an bar walok ke ejibon ilo Article VII, Section 1 kab 2. Im ejelok oktak jen kar tore ne botab aurok einwot bolen bwe jen melele kijwoj aolep kab public, un ko rej ekejel ippen vote in jelike in. Im unin ad kobelok opportunity en ilo naj jino jen raan in debate kane manlok, ij tomak ke enaj itok melele kein jen likao rein jet. Kommol.

MIN. KESSAI NOTE: Imaron ke wonmanlok wot?

SPEAKER KEDI: Wonmanlok wot Minister.

MIN. KESSAI NOTE: Kommol Mr. Speaker im ne uaak eo in ikijen raan kane ekwe eman joj ej jimor bolen agree kaki ke jejamin kwelok ilo Jadede ak jenaj jino konono kane ilo Mande. Im ne ikijen un ko jet ekwe ekar wonmantak ground ko kar ilo tore ne kwoj konono kake im ekar kanuij lap debat kake elane Senator rein rej kememij, ekar mottan tore ko ekar lap debate im konono kin issue ko rar wonmantak. Aet aolep ien ej itok notice ne mokta im lak moj kio ej itok ground kane tokelik im kajitok eo ao ej itok naat ground kein bwe jen ekatak kaki; ak elane konaj lali record kane mottan kar vote ko me ear lap konono kaki kane ilo toreo. Ear itok juon list in enanin jonoul (10) jima ground rar lolo imaan Nitijela ilo tore. Kommol Mr. Speaker.

SPEAKER KEDI: Kommol Mr. Minister. Im iar lo pein Minister eo an Justice, Minister Riklon, wonmanlok wot.

MIN. ATBI RIKLON: Kommol Mr. Speaker. Im bar lewaj kautiej nan komro Vice Speaker Anton, aolepen Minister rein, Senator rein im aolep armij in Majol. Naij erra ippen Minister in, Note ak naij lomnak we're one step ahead baj tomak e ao, kajitok eo in is the motion valid, validity of the motion, e-valid k? Im ne kwoj kotlok bwe jen kottar nan Mande im debate kake validity eo an motion in, ekwe imaron kotar nan Mande. Ak ne jej aikujiin kajitokini kio, e-valid ke, jaab ke? Ekwe na ibojak nan lemantak ke ejjab valid ilo ien in.

SPEAKER KEDI: Kommol Mr. Minister. Im Mande einwot ao ba jenaj konono kin substance in vote in jelke in. Rainin jej konono kin procedure eo im iburomoj bwe rule eo an jea in ak rule in ej bedbed wot ion Jemen Ei eo, jejab maron konono kin vote in jelke eo rainin. Ijelokin wot unin

ad konono kio ej nan lale procedure ko. Elikin lalem (5) raan ne ej mandated umin Jemen Ei ne ilo Article VII elukun alikar Section 4(1) im (2) innem jenaj jino konono elikin lalem (5) raan ne. Im ilo tore ne inaj kobelok nan am kwalok kalamenlokijon ne am at that time. Kommol.

Imaron kile Senator eo eutie j juon jen Mejit, Momotaro im elikin inaj lelok nan Senator Wase.

SEN. DENNIS MOMOTARO: Kommol Mr. Speaker. Im Speaker, ij komolol Anij ilo jibonin rainin im kile kwe kab Vice Speaker im kile President eo, aolep Cabinet Minister rein, Senator rein woj, Iroj kab leroj ro ilo mweo mwer im aolep ro ilo belakin Majol. Ikonan bar kile likao rein im jiron rein rej witness -e kwelok in ilo jibonin rainin im aolep ri Majol.

Speaker, unin ao bar konan bar lemantak kar kajitok eo me Minister Note ear letok kio lok jidrik kinke einwot ejelok uaak, naet ne renaj provide -I ground, un kane nan vote in jelke in bwe jen baj jela im ejab kojean wot ijin ak naj tomak bar armij rekonan bar jela, ta kane bedbed in vote in jelke in. Im jolok bwod ne bolen ijuri kar kajitok ko am ak wawein ko jet ak kajitok eo in, naet ne renaj baj provide -I kinke jaikujin baj jela im ej jen baj side e juon kinke einwot ejelok, ij riti I pepa e its all blank, emoj aer cite -I wot Article V, Section 7 me ej ba wot ke emen (4) member in Nitijela remaron lemantak juon vote in jelke, ak erri bedbed kein?

Ekwe kajitok eo ao in im ikonan bar kobaiklok im banijilok ilo kajitok eo me Minister Note ear lemantak. Kommol Mr. Speaker.

SPEAKER KEDI: Kommol Senator. Inaj kile mok Senator Wase im elikin ne ejelok inaj bar lelok nan Senator Silk.

Senator Wase, wonmanlok wot.

SEN. BRENSON WASE: Kommol wot, kommol wot Mr. Speaker. Im muktata kamolol Anij kin juon raan ekanuijin woleo im aebojoj. Ikonan kile eok Mr. Speaker, Mr. President im Mr. Vice Speaker, member rein an Cabinet rualitok (8), elaptata Iroj ro ad kab armij in Majol.

Mr. Speaker, elukun; naan eo an Senator eo jen Mejit elukun clear ijone ke motion eo en sign kin emen (4). Ak ibareinwot konan bar ba kojean, bwelen emman ne kojean etal nan Journal kane ilo ien koman motion eo me koj ba ke ekar passed bwe ilo mol ear ejjelok, ear ejjelok. Motion ko lok maan aet, ear wor jonoul jima ground, motion eo koj konono kake ear ejjelok, jaar itok im oral im discuss -e. Im ijaje ta oktak ne an mene ke e-meet -i Jemen -Ei ne einwot am ba ke emoj an meet -i Jemen -Ei ne.

Kommol Mr. Speaker.

SPEAKER KEDI: Kommol Senator. Wonmanlok wot Senator John Silk.

SEN. JOHN SILK: Kommol Mr. Speaker. Im Mr. Speaker, ijab konan bar kaitoklok ad konono kon motion in bwe ealikkar ak ikonan wot komeleleik kojean loan mwin im bwelen elaptata nan armij in Majol ke ilo Jemen -Ei ne ad ilo section 7 ilo ikijien Vote in Jelke ilo subsection 1 einwot an cited ilo motion ne ej required wot emen (4) signiture einwot an Senator Wase ba. Ejjab require jabrewot melele ikijien ta unin an wonmantak motion in. Ewor unin konke kio ej kotlok ien ad naj konono kake ilo ien in me jej konono me torein. Ak ejjab require bwe en walok ilo jeje. Mol ekar wor motion ko imaanlok jaar komani ak ear bar wor juon ien jaar jab. Ak ejime am ba Mr. Speaker, ke enaj itok nan ad konono kon un ko ilo tore eo jej entertain -i motion in im debate kake im naj kajitok bwe jen wonmanlok wot jen ijin im karoke im naj erra ilo bebe eo am bwe jen roltok ilo Mandre ne ejjelok utame nan kojwoj jimor. Kommol Mr. Speaker.

SPEAKER KEDI: Kommol Senator Silk. Im inaj kojeblok mokta nan Senator Momotaro im elikin inaj bar koroltok nan ibben Minister Note.

SEN. DENNIS MOMOTARO: Kommol Mr. Speaker. Im Mr. Speaker, jolok bod ne ejaar in lon ao kajitok ak im ikonan jolok ao bod ibben senator rein me rej lemantak motion in. Ak unin ao komane kajitok in konke iloan ijin bwijjin bwijjin likao ro me raar iton witness -e im kemwoj confuse jen dron konke einwot ba notice e nan motion e ej ba cite -i Article 5 section 7 im moj. Ak kajitok eo amwoj in im bar kemwoj me kemij bar member in Nitijela im ukot ground kein aer ilo bedbed kein bwe en wonlaltak vote in meneo ijela meneo senator e utej jen Ebon ear ba ke renaj lemantak ilo raan kane rej itok ilo Monday. Ak kajitok eo ad einwot baj komean ne emaron baj iwoj itok ilo raan kein bwe jen baj lale im katak im jela ta kein me rej baj lemantak motion in kake. Ekwe kajitok eo ao in ij baj lemantak jen ejjab komean wot ak ebool rej bed im konan baj jela.

Kommol Speaker.

SPEAKER KEDI: Kommol Senator. Wonmanlok wot Minister Note.

MIN. KESSAI NOTE: Kommol Mr. Speaker. Im naj bar respect-i uak ko an senator ra jet im ro raar bok kunaer ijin. Ak bwelen naj kajitok eo ao ijin ne ewonmantak kwelok ne ilo raan in Mondre, ekwe letok ien an naj baj government in ekkatak kake im konono kake einwot an kar iwoj ilo vote me komij konaan kake ien eo President Tomeing. Bwe ilo mol ekar wor juon list nan ibbem Senator John Silk, ien eo koj Foreign Minister im kwar boke im ekkatak kake im itom kwar debate -i. Ke koj debate -i koj uaki kajitok ko raar iwoj nan kwe ilo jeje ak nan party eo an government ilo tore eo, ejjelok verbal. Im naj erra ke jen etali Journal kane bwe jen ekkatak kaki menkane. Ak ear iwoj ien nan an kar government eo koman aer research im ekkatak kake im komelele bwe kwe eo kwar spokesman nan tore eo ien eo President Tomeing.

Ak kajitok eo ao in ne eitok leta ne nan vote ne ilo Mondre, bwe ejjab koj wot ak armij in Majol rekonan jela ta in jej ton ak un kein ekwe jenaj kajitok at least ruo, jillu raan nan an naj government in naj ekkatak kake im naj boktok uak ko aer. Kommol Mr. Speaker.

SPEAKER KEDI: Kommol Mr. Minister. Ikonan kwalok nan government im senator rein kab armij in aelon kein ke eban kilok debate eo kon motion in vote in jelke eo mae ien aolep points of view emoj an etal opportunity nan er, mandate iumin Jemen -Ei Article IV section 15(12) im rule im procedure ko ekoba Rule 3, Rule 70, im Rule 112, aoleppen menkein jenaj lori. Im unin ad iton discuss -e menkein kio nan lale ne konan eo an Nitijela in elaptata rein me petition in ejelet er kab ro raar komane petition in. Ak elane jej konan bwe jillu en konnaan ilo etan side eo juon im jillu en respond ak elane jaab ne jej konan bwe aolep ren bok kunaer, ebelok im Jemen -Ei ne ej kotloke im jenaj aikuj lore. Im ikonan assure -e minister in kab Mr. President im cabinet in ke enaj bellok debate nan ne ededelok ro rej konan bok kunaer. Im ewor lalim raan jino jen Mondre en lok nan Balaidre en. Ekwe ewor ke bar jebarewot? Elane ejjelok jabrewot ikijien procedure kein an nan adwoj wonmanlok, inaj aikuji juon motion jen Vice Speaker nan kokakkijeik Nitijela in mae Mondre.

V-SPEAKER ANTON: Kommol Mr. Speaker. Mr. Speaker, ilo ien in ij koman ao motion, juon motion nan kakkije mae Mondre 25 raan. Ij bebe eindrein Mr. Speaker. Kommol.

SPEAKER KEDI: Motion eo nan kakkijeik Nitijela in mae Mondre 25 raan, ejjime ke 10:00 awa jibbon Mr. Vice Speaker?

V-SPEAKER ANTON: Emman, emman Mr. Speaker, 10:00 awa jibbon. Kommol.

SPEAKER KEDI: Ewor juon bebe ion floor ne bwe Nitijela en kakkije mae Mondre 25, raan 10:00 awa jibbon. Ro eindrein aer lomnak ren ba aet? Ro einjuon jaab? Innem Nitijela eo an armij in aelon kein ej kakkije mae Mandre 25 raan, 10:00 awa jibbon.

Ilo kautej,

Journal Clerk